



Claudii Fleurii Abbatis Historia Ecclesiastica

Ab anno Christi 1606. usque ad annum 1610

Fleury, Claude

August. Vind. [u.a.], 1776

VD18 90118820

§. 133. Facultatis Theologicæ judicium in favorem Edmundi Richerii
Syndici.

[urn:nbn:de:hbz:466:1-67222](#)

Regina Regiique Principes ac Proceres Sæc. XVII.
 aliquamdiu substiterant, quin vel ver- A.C. 1610.
 bum cum Nuntio Apostolico loqueren-
 tur: soluto autem congressu quidam
 Princeps Harlæum seorsim alloquens
 interrogabat, an non magis expedire
 censeret, summo Pontifici obsequii vin-
 culo junctum esse? ad hæc reponente
 Harlæo, quod nil optatius foret, salva
 Regis auctoritate, Princeps subjunxit,
 quod multa ab eo fuissent prolata, quæ
 nævis suis haud carerent.

Enimvero Regina Harlæi rationibus
 parum convicta, urgentibus Nuntio
 Apostolico, & Patre Cotono præcepe-
 rat, ut Curiæ Sententia in suspenso re-
 linqueretur. Harlæus autem tædio ac
 senio confessus Parisiensis Senatus Prin-
 cipatum deposuit, subrogato in ejus lo-
 cum Verduno Tolosanæ Curiæ supre-
 mo Præside.

§. CXXXIII.

*Facultatis Theologicæ judicium in fa-
 vorem Edmundi Richerii
 Syndici.*

Die decima quinta Octobris Edmun- Argentre
 dus Richerius Sacræ Facultatis l.c. p. 15.
 Theologicæ Syndicus suum, ac totius
 Sorbonæ honorem & existimationem
 vehementer fuisse læsam, præsente uni-
 O o 3 versâ

Sæc. XVII. verfa Facultate querebatur, eo quod qui
A. C. 1610. dam Jesuita coram duobus Magistris af-

severarit, quod ipse ex cuiusdam Bac-
calaurei Thesibus hanc: *Summus Pon-*
tifex immediate habet auctoritatem a Chri-
sto, expunxerit: id igitur, si verum
fuisset, ipse hanc thesin abradendo, &
Facultas connivendo errorem in dog-
mate approbassent. Hujus vero sati
falitatem Richerius comprobata red-
debat ex eo, quod tam publice, quam
*privatim ad illa verba Matthæi 16. *Dó-**
bo tibi &c. inculcarit, quod Salvator
noster his verbis jurisdictionem dunta-
xat pollicitus sit, re ipsa autem Joan. 17.
Matth. 20. & Luc. 10. eam contulerit,
dum totam Ecclesiam Episcopali & Sa-
cerdotali Ordine constantem per se im-
mediate ac servata proportione misit,
quæ missio fuit jurisdictionis collatio:
Hoc suum systema postea Richerius (Gal-
lus in Galliis Gallice sentiens) ex Act.
cap. 20. & 2. Petri 1. necnon ex jure
Canonico, & Thesibus Joannis Sarra-
zini olim a Facultate damnatis com-
probatum reddebat, subiungens, quod
duntaxat ex quorumdam Thesibus hanc
*expunxerit: *Unus & solus Pontifex im-**
mediate auctoritatem habet a Christo, Epi-
scopi autem ab illo, imo etiam Apostoli
eam a D. Petro accepissent, nisi Christus in
clavium collatione eum prævenisset. His
auditis

auditis ac perpensis Facultas aliunde Sæc. XVII.
 hisce doctrinis præventa respondit, de- A. C. 1610.
 claravitque, honorem Syndici ad uni-
 versam Facultatem pertinere, ea vero,
 quæ hic Jesuita de propositione a Syn-
 dico deleta sparsisset, falsa & tam huic,
 quam Facultati, quæ nunquam præ-
 fatam assertionem expungi permisisset,
 injuriosa esse.

§. CXXXIV.

*Eiusdem Facultatis Parisinæ declara-
tio contra Episcopos.*

In iisdem Sorbonæ comitiis Gerardus Argentre
 Jacob Sacræ Facultatis Parisinæ Do- fol. 18.
 ctor exposuit, nonnullos esse Episcopos,
 qui Doctores Facultatis Theologicæ Pa-
 risiensis admittere nolint ad concionan-
 dum, nisi antea subirent examen, ea-
 propter rogabat Facultatem, ut suis
 alumnis hac in parte laborantibus ali-
 quid consilii ac opis ferre non gravare-
 tur: maxime vero quando id in grave
 dedecus totius Facultatis Parisiensis,
 quam nonnulli hodie opprimere nitun-
 tur, vergere videretur. Hac re audita
 Facultas censuit literas esse concipiendias,
 & omnibus alumnis suis conce-
 dendas hujus tenoris: *Doctores Parisien-
 ses in vim sui gradus propter eruditissi-
 mas disputationes, & accuratissima exa-*
 mina,

Oo 4